



# KOPI PAHIT

Presiden Sukarno di dalam kenyataan kepada akhbar mengatakan bahawa ia tidak mahu jadi diktator tetapi orang-orang Indonesia semuanya mengetahui bahawa Presiden tidak boleh diganggu gugat\_ dan kerana itu ia boleh buat apa ia punya suka dan boleh buat apa ia suka buat dan orang tidak boleh cakap – dengan cara ini apa tidakkah sama juga keadaannya dengan ditaktor? Orang- orang yang tahu tentu mengerti. Bung!

\*\*\*

Dahulu UMNO Singapura telah mengadakan peraduan “Ratu Kaca Mata” dan sekarang diuar-uarkan pula untuk mengadakan Ratu Merdeka. Kalau jadi ini sudah ini ada apa pula! Tetapi daripada kejadian ini zahir dengan terangnya “bahawa pegawai-pegawai agama UMNO” terus diam. Apakah kerana kerusi atau kerana terpaksa pejam mata- Wallahualam.

\*\*\*

Kiyai Fatahuallah Harun, ulama Indonesia, dalam syarahannya mengatakan bahawa dalam masa penjajahan dahulu tidak ada di sana sekolah *dancing* dan sekarang ada bertambah dengan orang-orang yang mahu keluar negeri menghantuk-hantuk gelas dengan isinya “supaya tidak kaku dalam dunia internasional.” Kalau begitu tidaklah salahnya kalau banyak orang-orang di kedutaan atau di konsulit-konsulit Indonesia yang telah mahir di dalam perkara itu- kerana rupanya mereka sudah berlatih! Berlatih di dalam apa? Jawabnya terang-terang

iaitu berdancing dan minum seperti yang disyarahkan oleh Kiyai Fatahuallah Harun. Syukur keterangannya itu datangnya dari bangsa Indonesia sendiri kalau tidak waduuuh Bung!

\*\*\*

Kenyataan Kiyai Fatahuallah Harun ini, juga disambungkan pula dengan tulisan yang membidas supaya Menteri-menteri jangan minum tentu jadi meriah lagi. Ini nanti dituduh dituduh menyekat kebebasan peribadi seseorang kerana ia mahu minum atau sebagainya hingga mahu “masuk neraka” sekalipun tidak kena mengena dengan orang lain. Apalagi kalau sudah menjadi tabiat baginya sudah minum tidak boleh mahu cakap -ini lebih-lebih lagi.

Sekali imbas pendapat ini betul juga tetapi tentu ada tetapnya iaitu apalagi kalau sudah selalu “beliau-beliau” itu masuk keluar masjid dan kerana itu kehormatan orang-orang masuk masjid itu mesti dikawal dan dijaga- jangan keluar masjid masuk ke joget dan minum lebih lagi-walhal kalau perkara maksiat itu sangat payah orang hendak menegahnya. Salahnya sendiri\_ tidak ingat amaran Tuhan: supaya jangan menjadikan mereka ketua kita.

\* \* \*

Sebagai wakil Nahdatul Ulama’ cabang Singapura dalam syarahan Kiyai Fatahuallah Harun di Singapura. Bung Daud Nasir, sudah memberi salam dan ucapan alu-aluannya meminta hadirin supaya membaca “al-Fatiha” seperti orang yang tafakur sejenak di dalam perjumpaan- perjumpaan kebangsaan. Kerana langkah itu orang-orang bertanya: Adakah Bung Daud sesudah membuat bidaah baharu. Kita hanya mengesyorkan supaya bertanya kepada ulama-ulama nahdiat itu sendiri: Apakah itu bidaah atau tidak?

\*\*\*

“Chou En Lai Khan”- begitulah nama yang diberi oleh sebuah akhbar melayu tempatan, tatkala meletakkan gambar Chou En Lai berpakaian serban orang-orang Islam Patani (Pakistan) sedikit masa dahulu. Khan itu biasanya gelaran Raja dan lazim dipakai sekarang hanya oleh orang-orang Islam sahaja. Adakah tujuan memberi gelaran itu kerana mengaburi mata orang Islam bahawa orang-orang Komunis boleh juga jadi Islam- tidaklah diketahui tetapi pada dasarnya tentu ada pertalian lain. Apa dia tanya kepada:- Cemeti Al- Farouk